


Buletin IQRA'

2026

Bil. 1/2026 - Januari • eISSN: 2735-1920

Taklimat Reading List Perkukuh Pengurusan Senarai Bacaan Akademik UiTM



Taklimat Reading List telah diadakan pada 21 Januari 2026 (Rabu) jam 9.00 pagi secara Google Meet bagi memantapkan kompetensi staf dalam pengurusan pembangunan Senarai Bacaan akademik di Universiti Teknologi MARA (UiTM).

Taklimat ini bertujuan memberi pendedahan serta pengukuhan kefahaman berkaitan pengurusan Reading List sebagai sumber rujukan akademik yang menyokong keperluan pengajaran dan pembelajaran, di samping memastikan pematuan keperluan akreditasi program.

Program dimulakan dengan kata alu-aluan oleh Pengarah Bahagian Sumber Rujukan Universiti Dr. Adlina Abdullah yang menekankan halatuju serta sasaran pemilihan bahan Reading List bagi tahun 2026. Seterusnya, taklimat diteruskan dengan pembentangan oleh Cik Anis Fadilah Zulkifli (Pustakawan) yang mengupas panduan terkini proses pengurusan Reading List, manakala Puan Nur Azian Azis (Pustakawan Kanan) pula berkongsi Panduan Cadangan e-Buku kepada staf perpustakaan UiTM yang terlibat secara langsung dalam pengurusan Reading List.

Taklimat ini telah dihadiri oleh 87 orang staf dan menjadi platform pengukuhan amalan terbaik dalam pengurusan Reading List selaras dengan keperluan akademik UiTM.

PERPUSTAKAAN UPM DAN UiTM | MEMBACA PANTAS, BERFIKIR CERDAS!

Sempena Festival Membaca UPM 2026, Perpustakaan Sultan Abdul Samad, Universiti Putra Malaysia telah menjemput instruktur dan fasilitator Speed Reading dari Perpustakaan Tun Abdul Razak, Universiti Teknologi MARA (UiTM) untuk mengendalikan Bengkel "Speed Reading" yang berlangsung dengan penuh energi dan inspirasi pada 20 Januari 2026 di Bilik Malawati 1, Perpustakaan Sultan Abdul Samad (PSAS).

Dalam tempoh 2 jam penuh fokus (2.30 – 4.30 petang), seramai 40 peserta yang terdiri daripada warga UPM serta pelajar dan guru SMK Agama Putrajaya telah mencabar diri mempelajari teknik membaca lebih pantas, memahami dengan lebih mendalam dan berfikir dengan lebih strategik. Setiap helaian bukan sekadar dibaca – tetapi difahami dan dihayati.

Bengkel yang dipimpin oleh Puan Siti Salwa A. Rahman selaku instruktur utama, dengan sokongan fasilitator Cik Ummi Halimatunssaadiyya Shamsul Yuzli. Sesi interaktif, latihan hands-on dan teknik praktikal menjadikan suasana bengkel hidup, menyeronokkan dan penuh "aha moment" untuk para peserta.

Kolaborasi UPM dan UiTM ini bukan sekadar perkongsian kepakaran, malah satu usaha memperkasa budaya membaca pintar dan pembelajaran sepanjang hayat. Inilah semangat Festival Membaca UPM 2026 – membina komuniti pembaca yang cekap, kritis dan bersedia menghadapi cabaran ilmu masa hadapan. Bila membaca jadi lebih pantas, ilmu jadi lebih luas.





@libraryuitm



@libraryuitm



@perpustakaanuitm



@uitmlibrary



@perpustakaanuitm

Hubungi kami:

03 5521 1704

korporatptar@uitm.edu.my

*Unit Korporat dan Kolaborasi,
Perpustakaan Tun Abdul Razak,
Universiti Teknologi MARA,
40450, Shah Alam*